



Broj predmeta: UP-I-KSI-09-05/24

Datum: 25.10.2024. godine

Na osnovu članova 25. i 33. Zakona o sprečavanju sukoba interesa u institucijama Brčko distrikta Bosne i Hercegovine („Službeni glasnik Brčko distrikta Bosne i Hercegovine“, broj: 04/21), Komisija za odlučivanje o sukobu interesa, postupajući po službenoj dužnosti u postupku utvrđivanja povrede odredaba Zakona o sprečavanju sukoba interesa u institucijama Brčko distrikta BiH, od strane K. A., iz Brčkog, ulica [REDACTED] JP „Komunalno Brčko“ Brčko distrikt Bosne i Hercegovine, kao nosioca javne funkcije, na 103. sjednici održanoj dana 24.10.2024. godine, donijela je

ZAKLJUČAK

Obustavlja se postupak protiv K. A. iz Brčkog, ulica [REDACTED], [REDACTED] JP „Komunalno Brčko“ Brčko distrikta Bosne i Hercegovine, kao nosioca javne funkcije, pokrenut Zaključkom, broj: UP-I-KSI-09-05/24 od 04.10.2024. godine, radi sumnje na povredu člana 19. stav (1) i stav (2) Zakona o sprečavanju sukoba interesa u institucijama Brčko distrikta Bosne i Hercegovine, koja bi proizilazila iz okolnosti da nosilac javne funkcije prilikom podnošenja Izvještaja o imovinskom stanju nije potpuno i tačno unio podatke o pokretnim stvarima vrijednosti veće od 5.000,00 KM, odnosno neusklađenosti sa prikupljenim podacima od nadležnih organa i institucija za nosioca javne funkcije i članove porodičnog domaćinstva

Образложење

Dana 04.10.2024. godine Komisija za odlučivanje o sukobu interesa (u daljnjem tekstu: Komisija) po službenoj dužnosti pokrenula je postupak Zaključkom, broj: UP-I-KSI-09-05/24, protiv K. A. iz Brčkog, [REDACTED] JP „Komunalno Brčko“ Brčko distrikt Bosne i Hercegovine, kao nosioca javne funkcije, radi sumnje na povredu člana 19. stav (1) i stav (2) Zakona o sprečavanju sukoba interesa u institucijama Brčko distrikta Bosne i Hercegovine koja proizilazi iz okolnosti da nosilac javne funkcije prilikom podnošenja Izvještaja o imovinskom stanju nije potpuno i tačno unio podatke o pokretnim stvarima vrijednosti veće od 5.000,00 KM, odnosno neusklađenosti sa prikupljenim podacima od nadležnih organa i institucija za nosioca javne funkcije i članove porodičnog domaćinstva.

Dana 16.10.2024. godine, u zakonskom roku, Komisiji je dostavljeno pisano izjašnjenje na zaključak Komisije o pokretanju postupka, broj: UP-I-KSI-09-05/24 od 04.10.2024. godine, u kojem nosilac javne funkcije navodi da njegova supruga A. A. ne posjeduje putnički automobil marke „Škoda Octavia“, već da je na ime supruge registrovan putnički automobil, Marka „Škoda Citiago“, registarskih oznaka [REDACTED], godina proizvodnje 2015. Takođe navodi da vrijednost putničkog automobila iznosi 4.500,00 KM, te iz tog razloga nije prijavljen

u Izvještaju o imovinskom stanju - Aneks II , koji je kao nosilac javne funkcije podnio za 2023. godinu dana 23.01.2024. godine.

Nosilac javne funkcije K. A. je uz pisano izjašnjenje dostavio kao dokaz fotokopiju saobraćajne dozvole broj: [REDAKTIRANO] i fotokopiju Komisionog ugovora broj: [REDAKTIRANO] od 09.06.2023. godine zaključen između A. Č., kao prodavca sa jedne, i A. A., kao kupca, sa druge strane. Predmet ugovora je putnički automobil marke „ŠKODA CITIAGO“, registarskih oznaka: [REDAKTIRANO], godina proizvodnje 2015 sa procijenjenom vrijednošću od 4.500,00 KM.

Članom 19. stav (1) Zakona propisano je da je nosilac javne funkcije dužan u roku od 30 (trideset) dana od dana stupanja na javnu funkciju, podnijeti Komisiji Izvještaj o imovinskom stanju, za sebe, bračnog i vanbračnog druga, djecu, druge članove porodičnog domaćinstva kao i lica prema kojima nosilac javne funkcije ima zakonsku obavezu izdržavanja, prema stanju na dan kada je izabran, odnosno imenovan, dok je stavom (2) istog člana propisano da Izvještaj sadrži: a) lične podatke nosioca javne funkcije i članova njegove uže porodice, uključujući JMB, podatke o funkciji koju nosilac javne funkcije obavlja; b) podatke o sadašnjim prihodima i izvorima prihoda, uključujući sve prihode, plate, dobit od imovine, uplate i druge zarade ostvarene u BiH i u inostranstvu u protekloj kalendarskoj godini; c) podatke o imovini, uključujući novac, račune u banci, poslovnu dokumentaciju, dionice, vrijednosne papire, obveznice, nepokretnu imovinu, stanarsko pravo i drugu imovinu i dobra u vrijednosti većoj od 5.000,00 KM, u BiH i inostranstvu; d) podatke o rashodima i drugim obavezama, uključujući sva dugovanja, obaveze, mjenice, kredite i jamstva za takve obaveze u BiH i inostranstvu.

Članom 20. stav (4) Zakona propisano je da se pod pokretnim stvarima veće vrijednosti smatraju vozila, plovila, zrakoplovi, radne mašine, lovačko oružje, umjetnine, nakit, drugi predmeti lične upotrebne vrijednosti, životinje i druge stečene pokretne stvari pojedinačne vrijednosti veće od 5.000,00KM, osim predmeta domaćinstva i odjevnih predmeta.

Članom 23. stav (4) Zakona propisano je da Komisija za svaki podneseni Izvještaj o imovinskom stanju provodi redovnu provjeru. Redovna provjera predstavlja provjeru tačnosti i potpunosti podataka iz Izvještaja o imovinskom stanju upoređivanjem podataka s podacima o imovinskom stanju nosioca javne funkcije prikupljenim od organa, institucija i pravnih lica u zemlji i inostranstvu koji raspolažu informacijama, odnosno organa, institucija i pravnih lica koja vode evidencije o podacima, dok je istim članom stav (6) Zakona propisano da ukoliko se u postupku provjere tačnosti podataka utvrdi da nosilac javne funkcije nije naveo tačne i potpune podatke u Izvještaju o imovinskom stanju, Komisija pokreće postupak shodno članu 32. ovog Zakona.

Prilikom preduzimanja službenih radnji provjere podataka iz Izvještaja o imovinskom stanju i uvida u podneseni Izvještaj o imovinskom stanju nosioca javne funkcije na strani 8. uočeno je da K. A., između ostalog u rubriku “podaci o pokretnim stvarima koji se upisuju u javni registar vrijednosti veće od 5.000,00 KM“ nije naveo putnički automobil marke “ŠKODA“, godina proizvodnje 2015, dok je iz dopisa dostavljenog od strane Odjeljenja za javni registar, Vlade Brčko distrikta BiH broj: 26-000850/24 (10-1024ZJ-002/24) od 14.05.2024. godine vidljivo da A. A. posjeduje putnički automobil marke „ŠKODA“, registarskih oznaka: [REDAKTIRANO], godina proizvodnje 2015, te je shodno zakonskim odredbama, Komisija cijenila da u konkretnom slučaju postoji povreda člana 19. stav (1) i stav (2) Zakona te da K. A. nije tačno i potpuno unio podatke u Izvještaj o imovinskom stanju.

Shodno navedenom, Komisija je pokrenula postupak protiv K. A., [REDAKTIRANO] JP „Komunalno Brčko“ Brčko distrikt Bosne i Hercegovine, kao nosioca javne funkcije,

Zaključkom, broj: UP-I-KSI-09-05/24 od 04.10.2024. godine, radi sumnje na povredu člana 19. stav (1) i (2) Zakona, zbog netačno i nepotpuno popunjenog Izvještaja o imovinskom stanju podnesenog Komisiji kao i prikupljenih podataka od strane nadležnih organa i institucija za nosioca javne funkcije i članove porodičnog domaćinstva.

Imajući u vidu da je K. A., nosilac javne funkcije, dostavio pisano Izjašnjenje na Zaključak o pokretanju postupka, broj: UP-I-KSI-09-05/23 od 04.10.2024. godine i da je kao dokaz priložio gore navedenu dokumentaciju u koju je Komisija izvršila uvid, te da je Komisija navedene materijalne dokaze cijenila kao istinite ocijenivši da se u konkretnom slučaju ne radi o pokretnoj stvari vrijednosti veće od 5.000,00 KM, te shodno navedenom dostavljeni dokaz cijenila kao dokaz koji je dovoljno pouzdan za obustavljanje postupka, odlučila je kao u dispozitivu Zaključka.

POUKA O PRAVNOM LIJEKU:

Saglasno odredbama člana 37. stav (1) Zakona, ova odluka je konačna u upravnom postupku i protiv iste nije dopuštena žalba, ali se može pokrenuti upravni spor u roku od 30 dana od dana dostavljanja odluke tužbom pred Osnovnim sudom Brčko distrikta Bosne i Hercegovine.

Predsjednik
Komisije za odlučivanje o sukobu interesa

Admira Mujić, dipl. pravnik

Dostaviti:

1. Imenovanom,
2. Evidenciji i
3. Arhivi.